



Inatsisartunut ilaasortaq Múte Bourup Egede, Inuit Ataqtigiit

12-09-2018
Suliap nr. 2018-17495

Postboks 930
3900 Nuuk
Tlf. (+299) 34 68 00
E-mail: mlsa@nanoq.gl
www.govmin.gl

Aatsitassarsiornermik inuussutissarsiateqarneq aamma aatsitassanut uuliasiornermullu periusissiaq pillugit § 37 naapertorlugu apeqquteqaammut nr. 2018-222-imut akissuteqaat

Kalaallit Nunaanni aatsitassarsiornermut suliassaqarfik kiisalu aatsitassanut uuliasiornermullu periusissiaq pillugit Inatsisartut Suleriaasianni § 37 naapertorlugu apeqqutit matuma kinguliani allassimasut saqqummiuppatit. Akissuteqaatip matuma sularineqarneranut atatillugu naalakkersuisoqarfinni suliassaqarfinnut akisussaasunit attuumassuteqartunit ilanngussassanik piniartoqarpoq. Inuussutissarsiornermut Nukissiuuteqarnermullu Naalakkersuisoqarfik apeqqutinut 1-imut, 3-imut, 4-imut aamma 5-imut akissuteqaammut ilanngussaqaarpoq.

1. Nunatsinni aatsitassarsiornermik killiffik Naalakkersuisut qanoq nalilerpaat?

Akissut:

Kalaallit Nunaanni aatsitassarsiornermik inuussutissarsiateqarnerup ineriartortinneqarnera ingerlasoq pitsaasuvoq, aatsitassarsiorluni misissuinermit aatsitassanik piiaanermut suliqaarfinni tamaginni ingerlataqarnerit annertusiartorlutik.

Kalaallit Nunaanni aatsitassarsiorluni misissuinermit aningaasaliisarnerit ineriartornerat, annertunerpaatigut isigalugu nunarsuarmi aatsitassarsiorluni misissuinermit aningaasaliisarnermut assinguvoq, ataatsimut isigalugu aatsitassanut akigitat ineriartornerat malinneqarluni. Kalaallit Nunaanni piffissami 2011-imiit 2016-imut Kalaallit Nunaanni aatsitassarsiorluni misissuinermit aningaasaliinerit appariartorsimanerisa kingorna aningaasaliinerit 2017-imi annertusiartoqqilerput aammalu 2018-imi annertusiartornera ingerlaannassasoq Aatsitassanut Aqutsisoqarfiup naatsorsuutigaa, tassani aatsitassarsiorluni misissuinissamut akuersissutinik qinnuteqaatit aamma amerliartorsimallutik.

Aatsitassarsiorluni suliani arlalinni aatsitassarsiorluni misissuinerup immikkoortua naammassereerpoq aammalu piiaanissamut akuersissummik pissarsinissaq

sulissutigineqarluni – imaluunniit pissarsiarineqareerluni. Kalaallit Nunaanni maannakkorpiaq rubininut aamma safir-inut aappaluartunut aatsitassarsiorfik ataaseq ingerlanneqarpoq, Greenland Ruby A/S-imit pigineqarluni aammalu 2018-imi aammattaaq anorthosit-inut aatsitassarsiorfik Hudsons Greenland A/S-imit pigineqartoq aallartinneqassasoq naatsorsuutigineqarluni.

Uuliasiornermut suliassaqarfimmi uuliasiorfiutiqatigiiffiit arlallit ukiuni kingullerni misissuinissamut akuersissutit pigisatik utertissimavaat. Taamaalilluni ullumikkut misissuinissamut akuersissutit annikitsuinnaat kisinngorullutik. Taamaattoq nunat issittumiittut allat ukiuni kingullerni taamatut kinguariartoqarneranik misigisaqarsimangillat. Taamaattumik pilersaarusiornikkut paasissutissanik katersinikkut aammalu nittarsaassinermik arlalinnik suliniuteqarnikkut, uuliasiornermut periusissiami pisussami erseqqinnerusumik nassuiarneqartussanik tunngavissinneqarneratigut, siunissami ukiut ingerlaneranni Kalaallit Nunaata nunatut uuliasiorluni misissuivissatut soqutigineqalersinneqarsinnaanera naatsorsuutigineqarpoq.

2. Naalackersuisut qinigaaffik 2018-2022-mi aatsitassarsiorfiit qassit ammassasut naatsorsuutigaat?

Akissut: Piffissami qinersiviusumi 2018-2022-imi aatsitassarsiornermi suliassat, sanaartormermik aamma / imaluunniit piiaanermik aallartitsisinnaasut qassiussanersut naliliinissaq, annertuumik nalorninartortaqaqtussaavoq. Tamatumunnga ilaatigut ingerlatseqatigiiffiit ataasiakkaat aningaasalersuutissarsinissamut piginnaasaqarnerat apeqqutaavoq, tamannalu suliassani aatsitassanut akigititat ineriartornerannit sunnerneqarsinnaavoq. Kisiannili suliassanit matuma kinguliani taaneqartunit minnerpaamik marluk pingasulluunniit piffissami 2018-2022-imi sanaartormermik aamma /imaluunniit piiaanermik aallartitsissasut, Naalackersuisut naatsorsuutigaat.

a. Ammartussatut naatsorsuutigisat nunap immikkoortuata sortaaniippat kikkunnillu ingerlanneqarpat?

Akissut:

Hudson Resources A/S-ip Kangerlussuup eqqaani anorthosit-inut aatsitassarsiorfiani 2018-imi sanaartornerup immikkoortua naammassissasut aammalu piiaanerup immikkoortua aallartinneqassasoq naatsorsuutigineqarpoq. Ironbark A/S-ip Citronen Fjord-imi zinkinut aamma aqerlunut aatsitassarsiorfiani sanaartormermik suliaqarnerup aallarnisarneqarnera 2018-imi ingerlanneqarpoq. Citronen Fjord-imi sanaartormermik suliaqarnerit 2019-imi ingerlaqqissasut naatsorsuutigineqarpoq.

London Mining Greenland A/S Iukasiani saviminissarsiorfissamut piiaanissamut akuersissummik peqarpoq, kisianni sanaartornerup immikkoortuata aallartinnissaa utaqqisillugu. Nalunaq A/S Napasorsuarumi kuultisiorfissamut piiaanissamut akuersissummik peqarpoq, kisianni maannakkorpiaq misissuineq aallullugu.

Tanbreez Mining Greenland A/S-ip Narsaq Kangerluarsummi aatsitassanut qaqtigoortunut aamma zirconium-inut suliaqarfia aamma Greenland Minerals and Energy (Trading) A/S-ip Narsap eqqaani aatsitassanut qaqtigoortunut aamma uranimut suliaqarfia aatsitassarsiorluni misissuinissamut akuersissutaapput

annertuunik aatsitassarsiorluni misissuineramik ingerlataqarfiunngitsut. Ingerlatseqatigiiffiit piffissami 2018-2022-imi pīaanissamut akuersissummik pissarsisinnaanerat aammalu sanaartornermik immaqalu pīaanermik suliaqarnermik aallartitsisinnaanerat periarfissaqarpoq. Greenland Minerals and Energy (Trading) A/S-ip pīaanissamut qinnuteqaammik qanittumi tunniussinissaa naatsorsuutigineqarpoq.

Dundas Titanium A/S-ip Moriusap eqqaani titanium-inut suliaqarfiani aatsitassarsiorluni misissuineramik suliaqarnek ingerlanneqartoq, qanittumi pīaanissamik qinnuteqaammik tunniussinissaa naatsorsuutigineqarpoq aammalu piffissami 2018-2022-imi sanaartornermik suliaqarnek immaqalu aamma pīaanermik suliaqarnek aallartissinnaagaa ilimanarluni.

3. Naalackersuisut aatsitassarsiornermut uuliasiornermullu periusissiaq nutaaq 2019-imiit atuutilertussaq qaqugu piareerniarpaat?

Akissut:

Naalackersuisut naalackersuisoqarfinnut akisussaaffeqarfinnut agguarsimanerat naapertorlugu aatsitassanut suliassaqarfik Aatsitassanut, Suliffeqarnermut Nunamullu Namminerimi Naalackersuisoqarfiup ataani inissisimavoq, uuliasiornermut suliassaqarfik Inuussutissarsiornermut Nukissiuuteqarnermullu Naalackersuisoqarfiup ataani inissisimalluni. Taamaattumik periusissiat immikkoortut marluk suliarineqartussaapput; ataaseq aatsitassanut suliassaqarfimmu aammalu ataaseq uuliasiornermut suliassaqarfimmu.

Aatsitassanut periusissiaq 2019-ip aallartinnerani akuerineqassasoq naatsorsuutigineqarpoq.

Piffissamut 2019-2023-imut periusissiamut nutaamut tunngatillugu uuliasiornermut periusissiaq maannakkut Nukissiamik Imermillu pilersuinermut suliassaqarfimmu pilersaarutip ataani periusissiatut immikkoortortatut ilaatinneqassasoq naatsorsuutigineqarpoq. Uuliasiornermut periusissiaq 2019-ip aallartinnerani akuerineqassasoq naatsorsuutigineqarpoq.

4. Periusissiornermi Inatsisartut, kommunit, inuussutissarsiorlut, suliniaqatigiiffiit innuttaasullu Naalackersuisunit qanoq akuutinniarneqarpat?

Akissut:

Aatsitassanut periusissiap suliarineqarnerani suleqatigisartakkat sapinngisamik amerlanerpaat akuutinneqarnissaat Naalackersuisut naatsorsuutigaat. Periusissiamik sapinngisamik soqutigisaqartunik attuumassuteqartunik tamaginnik annertunerpaamik akuutitsinissamik qulakkeeriviusumik suliaqarnissaq anguniarlugu, suleqatigisartakkanit arlalinnit ilanngussassanik piniartoqareerpoq. Aatsitassanut periusissiaq tamanut ammasumik tusarniaassutigineqassaaq, tassani soqutigisaqartut tamamik peqataanissamut periarfissaqassallutik.

Uuliasiornermut periusissiamut tunngatillugu suleqatigisartakkat attuumassuteqartut taamatutaaq suliaqarnermi akuutinneqassapput aammalu periusissiamut missingiut tusarniaassutigalugu nassiunneqassalluni. Taamaattumik tamanut

saqqummersinneqannginnerani oqaaseqaateqarnissaq ilanngussaqaarnissarlu periarfissaqassaaq.

a. Qulaani taaneqartunik akuutitsinissaq angumerineqarsinnaava?

Akissut: Soqutigisaqartut sapinggisamik amerlanerpaat akuutinnissaat Naalakkersuisut pingaartittorujussuaat, taamaattumillu periusissiat inaarutaasumik naammassineqarnissaannut piffissamut aamma tamanna apeqqutaassaaq.

5. Nunaqavissut aatsitassarsiornikkut inerisaaffigilluarneqarnerat Naalakkersuisut qanoq inerisaaffigeqqinniarpaa?

Akissut:

Naalakkersuisut aatsitassarsiornermik inuussutissarsiuteqarnerup iluani nunaqavissut periarfissaannik pitsanngorsaaneq ingerlaavartumik suliaraat.

Naalakkersuisut ilaatigut annikitsumik aatsitassarsiornissamut akuersissutinik tunniussisarlutik, nunaqavissut aatsitassarsiornermik inuussutissarsiuteqarnermi akuutinnissaat aalluppaat. Ilaatigut kingusinnerusukkut kalaallit kusanartuliaannik inuussutissarsiuteqartut aatsitassanik suliareqqiinissaaq siunertaralugu, nunaqavissunut akuersissutini aatsitassanik paaavimmik nammineerluni pilersitsinissamut immikkut periarfissiisoqartarpoq. Tamatuma saniatigut annikitsumik aatsitassarsiornissamut akuersissutit nunaqavissunit aaqqissuunneqartumik ilitersuisoqarluni aatsitassarsiortiartornissamut tunngavissiiinnaapput.

Tamatuma saniatigut aatsitassarsiornermik suliassani anginerusuni nunaqavissut toqqaannartumik sulisussatut aammalu toqqaannangitsumik aatsitassarsiornermik suliassat najukkaneersunik pilersuisussaminnik atuinerisigut, nunaqavissut akuutinneqarnissaat Naalakkersuisut aalluppaat. Nunaqavissut akuutinneqarnerat suliffissaqartitsinerup aamma isertitassat saniatigut aamma Kalaallit Nunaanni nalinginnaasumik piginnaasaqarnerulersitsinissamut iluaqutaassaaq.

Siunissami uuliasiorluni ingerlataqarnerit qanoq iliorluni sapinggisamik annertunerpaamik najukkamiitinneqarsinnaanersut, uuliasiornermut periusissiami pisussami kalluarneqassasoq siunertaavoq. Kalaallit Nunaanneersunik sulisoqarnissaq aamma pilersuisoqarnissaq aammalu piginnaanngorsaaneerlik suliniuteqarnissaq siunertaralugu ingerlatassat aaqqissuunneqarnerisigut, sapinggisamik annertunerpaamik najukkameersunik akuutitsinissap qulakkeerneqarnissaa, pingaarnertut siunertaavoq. Nunaqavissut aatsitassarsiornermik inuussutissarsiuteqarnerup iluani periarfissaqarnerat aamma tusarniaanerup ingerlanerani innuttaasutut, suliffeqarfittut, kattuffittut il.il. ilassuteqarfigineqarsinnaasut ilagaat.

Inussiarnersumik inuulluaqqusillunga


Vittus Qujaukitsoq